



«ЗВЕЗДА»

«ЗВЕЗДА»

23 октябрь 2015 ш
ножмар

№ 42 (6471)

Багъа 2 кьуруш

Газета буклаккиссар
1951-ку шинал
ноябрьдания шинмай

Учредитель: Ккуллал районнул администрация
Кулинская районная администрация

Ах1мадхан Султаннун -95 шин

Гъашину октябрьданий 95 шин там хъанай дур билайтрай ва дазул кьатлугу ца дурксса, бусаллара вун агъсса летчик, Совет Союзрал кийла Виричу Ах1мадхан Султаннун.

Ах1мадхан Султаннун ца бьюттул хьуссар Буттал кланттул цланийсса Хъун масса дъявилул майданнай дурсса кьучагышвиурттайну ва дъявилила махъ цуну дуккан дуллалисса самолетирттал х1лал ккаклай, СССР-данул летчик-испытательну зузисса ч1умал. Мунал гьунардая уттинингу ч1явусса чивчун бур ва уттигу ч1явусса чичинссар. Дъявилул шиннардий Ах1мадханная чичлай бивк1ссар билайтрай газетру: «Хозяин неба», «Горный орел», «Мастер воздушного боя», «Рыцарь неба» ва цаймигу цардалу.

Ах1мадхан увну ур 1920-ку шинал октябрьданул 25-нний Къиримнаву Алупка шагърулий Ц1увк1ратусса Султ1аннул ва Къиримнава сса Насибал кулпатраву. Ва уссия чурххал лахъ акъасса ссипатрал ххуйсса, х1алим сса ябитаву дусса, нач-ламус бусса.

Ах1мадханнул кьуртал бувну бур арулва класс, муния махъ бувккун бур ФЗУ.

Зун айивхьуну ур муххал ххуллал депораву слесарьну. Шикку зий унува занан ивк1ун ур аэроклубравун, микка байбивхьун бур Ах1мадханнул гьаваллавун сса ссапарду.

Аэроклубраву дуклай, вардиш хъанайгу ивк1ун, дуклан увххун ур Качинская лийсса авиашколалавун. Авиашкола кьуртал бувну бур марц1ну ххювардай.

Буттал кланттул цланийсса Хъунмасса дъяви байбивхьусса ч1умал Ах1мадханнун най дирк1ссар 21-мур шин.

Дъяви байбивхьун цалчинмий гьантрайва Ах1мадханнул самолет гъаз хьуссар гьаваллавун душманная Ватан дуручлан.

Дъявилул яла кьини дуркмур ч1умуву Ах1мадхан талай ивк1ссар старший лейтенант Москвиннул звенораву. Ми бомбарду бичлай бивк1ссар душман нал бахъттагьалтрайн, ва танкардал колоннардайн, Прут неххайхсса ламурдайн.

Дъяви нанисса цалчин сса шинал жагьилсса летчик 130-ла гьаваллавун гъаз хьуссар душманнал циксеса гу аьрал, складру, машинар ду п1якь чин бувссар.

Ах1мадханнул хъазамраву цалчинсса орден пар-

пар т1ун дирк1ссар душман нал «Юнкерс-88» руртуну махъ. Му самолетрайн данди увкксса ч1ун Ах1мадханнун оьрмулухун дак1ний ливч1ссар. 1942-ку шинал майрал 30-нний леххаву гъаз хьуссар душманнал самолет к1юрххиц1унна ухссавнил чулухуннай най дур т1исса. Ах1мадхангу аэродромрая гъаз шайхту хьирив агъссар душманнал самолетрал. Арул-



Ссавруннал пагъламан

Машгьурди Щунулу,
Шутталу Ц1увк1ул,
Ц1а дурк пагъламантал
Маразрайх лахьулт.

Амма миннааргу,
Ц1а дуркри, лахъри,
Ссавруннал пагъламан,
Ах1мадхан Султан.

Илагьы барчаллагъ,
Ах1мадхан Султан,
Ппухълуннал дирхьу дарс,
Ллахьну я дурсса.

Дичлай ч1арал ххяллув.
Цухьлул ссуннуграйн,
Аьг1ул1игу дайва,
Душманнал бава.

Аслан Дагъусттанчу,
Лакрал хьун пахруй,
Т1ут1ач1а орденнал,
Бувц1вил хъазамрай.
Ят1ул мусил ц1урттал,
Векирдай п1яй-п1яй

И.Къянчиев

малсса «Красная звезда» газетрайгу чивчуну бия; «Один из первых Аметхан Султан совершил воздушный таран».

«Нормандия-Неман» т1исса луттираву Фрацузнал летчик Франсуа де Жофарр бьюттулсса кымат бишлай ур: «К1уллив зун таран цирив? Ва оьруснал летчикнал цаяра ка лавсун душманнал самолетрайн бивгьуну лагайссар, цац1ава ккулларду бухлавгукун. Мукуссса ч1умал ттуршуннива урч1ц1ала ххассал къашайссар бивк1лулуща. Аметлуца т1урча бьувхьуссар талих1 буминнавун агъан»

Сталинградуллач1а къазгьинсса талатаву нани сса ч1умал сакин дурссар яла хьхьич1унми летчик тураясса полк. Миннавух хьуссар Ах1мадхангу.

Лагма рургьусса аэродромрая леххан кьабюхъла хьисса ч1умал, Ах1мадханнул сий дирк1ссар летчик-виртуоз т1ий.

Штабрая баян бувну бур душманнал самолетру агъамсса кланттурдайн бомбарду бичин най душиву. Амру бувну бур циняв самолетирттан гьаваллавун гъаз хьун. Аэродромрая цалчин левххун ур Ах1мадхан. Мунан най дунува к1ира «Миссершмитт» хьуна даркьун дур. Гайлерххун най дирк1ун дур 4500 метралул лахъшиврий.

Ах1мадханнул цала самолет гайннуяр азарда метралуллахьну гъаз дурну, лахъния гьужум буллан ивк1ун ур. Цала иш кьулай бакъасса ч1алан бивк1укун душманнал самолетру лихълан дирк1ун дур. Амма Ах1мадханнул цал ца самолет руртун дур, хьирив гамур самолетгу.

Авиациялул генерал-полковник А.Г.Рытов буслай ур Ах1мадхан цукун нигьццах бакъасса ивк1сарив гьавалувун гъаз хьувкун, ххал хьусса душманнал самолет рукьартун кьаритайшиву. Къашайсса бивк1ун бур душманнаца ганая так1уй ххассал хьун.

(Ахир 2-мур лаж.)



азарда километра ххишалагу гъаз хьуну душманнал самолетрацал талатаву дайдирихьуссар. Гьужум байбивхьуссар «Юнкерсрайн» махъа, хьхьич1а. Амма душманнал самолет кьадаргьун дур. Ц1унилгу хьхьич1ун увккун душманнал самолетрайн ишан ларсун дур. Амма битлатисса ч1умал цавагу ккулла кьавщун бур, ххалбарча, ккулларду бухлавгун. Му ч1умал летчикнал бак1равун бувххун бур таран

дувансса пикри. Укун кьабуварча душманнал самолет гьан най дия жула шагърулийн бомбарду бичин. Ах1мадханнул цала самолет к1ура даян дурну, душманнал самолетрал хъа цала самолетрал хъаттирах ч1иллух кунна кьукьин дурну дур, самолетгу ц1угу ларч1ун дагьну ларгун дур. Ах1мадханнулмургу дагьну най дирк1ун дур, амма му катапультрайну ххассал хьуну ур. Та ч1у

Ах1мадхан Султаннун -95 шин



(Дайдиху 1-мур лаж)

Сталинградуллаласса талатавуртгал ч1умал Ах1мадхан Султан 96-ла гъз хьуну ур гъваллавун. Сталинградуллал ялувсса кьизгъинсса талатавуртгаву Ах1мадханнул ряхра самолет руртун дур.

Ах1мадханнул нигъцах бакъашиврия, мунал кьучагъшиврия чивчуну бур оставкалийсса полковник Н.Верховецуллала цала «Бессмертные герои

и имена» т1исса луттираву.

Яла кьизгъинсса талатавуртгавугу Ах1мадханнун кумаг шайсса бивк1ун бур цала ни гь, х1уч1 бакъашиврийну ххув хьун. Полкраву ва к1улну ивк1ун ур кьучагъсса летчикну акъассагу, бюхьу бусса командирнугу. Му ния дак1нийн бутлай ур Совет Союзрал к1ийла Виричу авиациялул гене-

рал-полковник В.Д.Лаврисенков. Цала дак1нийн бутавуртгаву ва буслай ур 1943-ку шинал интту немец-фашистурал командованиялул бусса гуж бурган бувну бивк1шиву Ростоврайн, Батайскалийн. Мунихтуну шиккусса аэродромрайду ччя-ччяни амруду бувайсса бивк1ун бур: «Циняв-Батайскалийн!», «Циняв-Ростоврайн!» т1ий. Яла кьизгъинсса талатаву хьуна мартрал 25-нийн. Му ч1умал Батайскалпал ялун най дия душманнал ттуршунния лирчусса бомбарду бичай самолетру, миннуяр лахьнугу рях-арул



Буттачал ва ниттичал ва арсначал А.Султан

азарда метралул лахьшиврий лерххун най дия «Ми-ссершмиттру». Хьуннасса ни гьач1ин най дия Ростовуллал, Батайскалпал ялун. Укун ч1ярусса «Юнкерсеру» ва «Хенкеллу» лерххун най тач1ав ккавкун бакъая.

Ах1мадхан цала эскадрильялул бивгъун най ия душманнал «Юнкерсирдал» хьунмасса группалийн. Ва талатариву кьат1 дурна ч1ярусса «Юнкерсеру» ва «мис серду»

Ах1мадхан ац1аву дакъа талай ивк1ссар Брянскалпал, Юго-Западулал, Сталинградуллал, Южныйлул, 4-мур Украиннал ва 3-мур Беларуснал фронтирттай.

Вай дяввилул майданнай талай Ах1мадхан увк1ссар Кеннисберграйн, миччагу Берлиннайн. Дявви кьуртал хьусса ч1умал Ах1мадханнул Пруссиянал ялувгу ряхра самолет руртуссар. Му ч1умал Ах1мадхан ивк1ссар гвардий майорну полкрал командирнал заместительну.

Дяввилул шиннардий Ах1мадхан 603-ла гъз хьуну ур гъваллавун душман махьунай ишун



Ярославрайсса памятник

уван. Гьуртту хьуну ур гъваллавусса 150 талатариву. Ми талатавуртгаву

Ах1мадхан Султаннун дулуну дур к1ийла Совет Союзрал Виричунал ц1а, шанна Ленинул орден, мукъра Ят1ул ттугъ лил орден, Александр Невский, Отечественная война лул 1-мур даражалул ордену, Ят1ул ц1укул орден, «Знак Почета» орден ва ч1ярусса медалу.

Ванан мукунна дулуссар СССР-данул лайкь хьусса летчик-испытательнал ц1а ва дулуссар СССР-данул Паччах1-лугьрал премиярду.

1971-ку шинал ц1усса самолет испытат дуллау унува Ах1мадхан Султан оьрмулуц1а хьуссар. Му дирк1ссар февралланул 1-нийн кьини.

СССР-данул обороналул министрнал амрулийн бувну Совет Союзрал к1ийла Виричу Ах1мадхан Султаннул ц1а



М.Хажиев (Ккулатусса) А.Султаннушал.

1943-ку шинал августрал 24-нийн Ах1мадханнун дулуссар Совет Союзрал Виричунал ц1а.

1945-ку шинал июналул 29-нийн дулуссар Совет Союзрал Виричунал к1илчин мур ц1а. Цинярдагу

абадлий ларсун дуссар истребительный авиалполкрал кьюкълувун.

Т.Абакаров,
районналул музейрал директор.



Киеврайсса А.Султаннул памятник.

Къанкъану ша ласлай

Махъсса шиннардий, жула хлукуматрай хъунна сса ургъил дуллай бур крестъянско-фермерское хозяйство тварту титлаврех. Мукун зун ччиминан ита дакълай бур кредитру, дуллай бур аьрши.

Ца мукунсса хозяйство тиртлуниннавух бур Чиятуса КФХ-дал Ассоциация: МахИаммадова Саидал, Къубатаев



МахИаммадхИажинал, Шамхалова Напи сатлул, Аьлилова ПатИиматлул сакин дурну бур.

Ларгсса шинал ва вайннал неххал шия чулийсса Къаплан фермалый хъуни бовна члава оьллу ва къячри, гъинттул архсса зунтту машин лавсун, кликку бучгу бовну цинма хайрну бавххунни.

Къапланнайсса ферма дия миннал арендалий ларсун. Гъашину вай гьалматуран пикри хъунни цивппа заллусса ферма титлин.

Чияту Ваччавн нани ххуллий цинявннал янилу члалай дур цуну дуллалисса

къатри.

Шиккун лавгун на клул хъура га ци стройка дурив.

Хъуна авкъусса МахИаммадов Исаял бовсуна пикрилий бушиву неххацI «Ацци шин» тIисса кланай ттизайсса оьлал ферма дуван ччай бушиву. Фермалул лахъишиву дия 32-хъул метра, утгашиву 12-хъул метра. Гъанурдугу цакънива бовцIун чIиртту лахъ бовну зий бур, ниятрай бур, микIлачIу хъуннин, чIирттугу бовну магъи дишин. Фермалый мукунма бикIаннай бур курчIу ризкъи, индюкру, къазру. Ларсун хIадурну дур, фермалул лагма ришунсса тгаллу, сеткарду.

ЧIаравра щин дур, ратIух лавай бакъин, лухчив дур, так зунни аьркинсса. Дуларча дан къашайсса дакъассар тIий бур вай гьалматал.

ТIайлассар цIубутIуй ласун багъунни кредит мигу лавхъун ччясса мутталый хозяйство хайрну зузи дуван ниятрай бур вай гьалмахтал.

ТIайлар, дуларча дан къашайсса цичIар дакъассар.

Жувагу чIа учинну жагъилсса иш бажаранчитуран тIайлабацIу цила дуллалисса давриву.

А.Аьбдуллаев.

Музил ссут

Уттигъанну, 16 октябрьданул ЧIайннал дянивмур даражалул школалий бай-бихъулул классирттаву дуклаккисса оьрчIашал, миннахъ дарсру дихълахъисса учительтурал сакин дурну дия утренник, «Музил ссут» цIанилусса. Утренникрай мукунма гуртту хъунни ЧIайннал ясли-садикравусса оьрчIру мюрщимийгу. Утренникрай чIирайн лавхъун бия музил чIирал газета ссутнин хас бовсса. Цалчинмур классрая-мукъилчинмур классравун бияннинсса дуклакки оьрчIру бовкIун бия ссутнин журалийн чIюлу хъуну. Утренникрай дуклакки оьрчIал къуру бовну бия ссупра. Ссупралий дия буллугъсса ссутнил чIумал дияйсса ахъулсса ва ахънилсри-гъивчру, хъюртру, къюмай тIути, сунурду, хурма, калан, къур,

чIикIунтIа, чимусру нувши. Дуклакки оьрчIру буслай бия цукун захIмат бан аьркинссарив, миннуха цукун къуллугъ бан аьркинссарив дюхъан даншиврул. Дуклакки оьрчIал дурккунни ссутнихасса назмурду, увккунни балайрду, дунни къавтлаурду. Махъун къабагъунни ясли-садикрая бовкIусса оьрчIал группа-Самиржигъан Юсуповнал тарбия бовсса, миннал лавххун бия ссутнил рунгайсса гъухъри, яннарду. Хъиннура ххуйну дурккунни миннал ссутнихасса декломациярду, увккунни балайрду.

Утренникрай гуртту хъунни школаул директор Ирина Шамиловна, завуч Султанат Дибировна, миннал бившунни ва утренникран лахъсса къимат.

Жул корр.

ХИУРМАТ БУССА ГАЗЕТА БУККУЛТ!

Най дур 2016-ку шинал

цалчинмур дачIи шинал

букIлансса районналул

«ЧАННАЦІУКУ»

газетрайнсса подписка даву

дачIишинал мутталыйсса «ЧаннацIуку»

газетрал багъа 135 къуруш

Чичара жула районналул

«ЧАННАЦІУКУ»

Газета!

Операция «Къулагъас дувара-оьрчIру!».

Республикалий гъашину августрайнин ххуллурдайх заназисса транспорт сававну оьрчIан бивсса зараллу чIявусса хъунни. Арулва зурул мутталый ххуллурдай хъусса 120 ДТП-луву ивкIунни 17, щавурду дирунни 117 балугъравун къависса инсаннайн.

Укун зарал хъусса цинявннал бачIиннуяр ххишласса бур бахътта заназисса оьрчIру. Транспортрай бивкIминнаву миннул шофертурай тахсирну щавурду дирну дур миннуву най бивкIсса оьрчIал 45,6%-райн, цанчирча ми энтту къадархIуну най бивкIун бур.

Ххуллурдай оьрчIру литIлатIаврив агъанми сававрду хъанай дур: миннан ххуллурдайх, кличIирттавух нигъачIаву къадикIансса куццуй занан лахъхъин къабаву, оьрчIру ххуллурдай лахъайсса кланттурдай ма-

шинарду бачин буллалиминнал нигъачIаву къадикIансса куццуйсса низам къадуруччаву, автомобиллаву нигъачIаврия буруччайсса энтту ва оьрчIру бугъайсса затру дакъашиву, ххуллурдайх ва кличIирттавух инсантал лахъайсса кланттурдай ххуйдакъасса тагъар душиву.

ОьрчIругу гуртту ххуллурдай хъусса ххуй бакъасса ишру хъунмурчIин дуккаврив шин дайдишайсса чIумал шайшиву хIисавравун лавсун, цIусса дуккаврив шин дайдишайсса шадлугъирттал чIумал, августрал 29-ния сентябрьданул 15-нин Лакрал ва Ккуллал районнай дурссар профилактикалул даву «Къулагъас дувара-оьрчIру!».

Ва операциялул агъаммур мурад бия: оьрчIру ххуллурдайх, кличIирттавух заназини нигъачIаву къадикIансса куццуйсса вардиши-

нарду тарбия даву, манарду бачин буллалиминнан ххуллурдайх заназаврил низам дуруччин аьркиншиву лахъхъин баву, оьрчIру образованиялул учреждениядачIан бачайсса кланттурдай ххуллурдай, кличIирттаву сантирайсса тагъар хъун даву ххуллурдал лишанну дишаву.

Авариярду къахъанансса, автотранспортрал низам дуруччансса тагъар ххуй даву, оьрчIру гуртту хъусса ДТП-рду чан даву мурадрай Ккуллал районнайсса ОГИБДД-лул хIадур дурссия ва щаллу дурссия хасъсса давуртту. Миннувах дурссия транспортрай хIан хIарчIун заназисса водительнал право дакъанан ягу му зерххун дунура заназисса инсантал ялун личин бансса, мукунна машинартту заназисса ххуллурдай хъхъувай дайсса давуртту, дурссия школардал автобусирттай

оьрчIру нигъачIаву къадикIансса куццуй ххилаххаву ххалдигъинссагу.

Вай ххал бигъавуртту дуллай, ялун ливчунни мюрщисса оьрчIру транспортрай ми бугъайсса затру дакъанна бовцун заназисса 2 иш.

ОьрчIал оьрмугу, цIуллушиву дуруччиншиврул, нитти-буттахъ тавакъю буллай ура зула оьрчIан мудан дурчIин дуллан ххуллурдай нигъачIаву къадикIансса куццуй занакъулу шаврил низам, буслан миннахъ ххуллурдайх машинарду заназисса кланттурдай тIуркIу тIун, велосипедирттай занан къабучIишиву. ЦукунчIав къабучIиссар чIаважагъилтурахъхъун ихтияр дуллан транспорт дачин дуллан. Хаснува мукунсса низам дуруччин аьркинссар кличIирттаву ва ххуллурдай дуккаврив цIусса шин

дайдирхъусса ппурттуву.

ЦукунчIав къабучIиссар 12 шин къархъусса оьрчIру автомобильданува хъхъичI щябивтун ягу мотоциклданул махъмур кланттай щябивтун занан. Мукунма цукунчIав къабучIиссар транспортрай оьрчIру бугъайсса транспортрай оьрчIру бугъайсса затру дакъа, ми хъуниминнал каруннаву бовгъуну, карав щябивтун занан.

Автомобиллал, мотоцикIллай оьрчIру бовцун заназаврил низам зия дурсса водителтуращал къанкъа-сса ххуллурду ласлантIиссар. Мунияту аьркинссар ххуллурдайх заназаврил низам мин-тин бакъа дуруччан

Т. Оьмариев, ОГИБДД-лул начальник, полициялул майор

Редакциялул адрес
368390, Республика Дагестан
Ккуллал район, ш.Ваччи
Издательнал адрес:
Республика Дагестан
Ккуллал район, ш.Ваччи

Газета регистрировать
бвссар РФ-лул МТПР-лул
Южное межрегиональное
управлениялул.
Регистрациялул номер
ПИ № 10-4202

Хъунама
редактор
А.И. Къянчиев

Газета бавтIуссар «ЧаннацIуку»
газетрал редакциялул компьютердай,
бвшуссар ГАУРД «Издательский дом
«ДАГЕСТАН». Типографиялул адрес:
367018. МахIачкъала, пр.
Насрутдинова 61,

Буккайссар ножмардий
цал,
Индекс: 51317
тираж 620 экз. Газета
итабакъин къулбас дайсса чIун
17. 00,
къулбас дурсса чIун 16. 00